

植物名實圖考

植物名實圖考卷之四

固始吳其濬著

蒙自陸應穀校刊

蔬類

菘菜

芋

落葵

繁縷

雞腸草

蕺菜

莖臺菜

藿香

瓠子

萊菔

蕨

薇

野豌豆

翹搖

甘藍

萵苣

白苣

蒔蘿

東風菜

越瓜

茄

胡荽

茼蒿

邪蒿

羅勒

菠薐

灰藿

薤菜

胡瓜

資州生瓜菜

草石紫

白花菜

黃瓜菜



恭菜

恭菜別錄中品卽著蓬菜湖南謂之甜菜有紅莖者不中噉人種以爲玩 按著蓬嘉祐本草始著錄李時珍以恭甜聲近遂併爲一物然與諸說葉似升麻及蒟蒻皆不類姑仍其說菜味甜而不正品最劣易種易肥老圃之情嬾者植之與唐本注蒸魚食之大香美殊異又夏月與菜作粥食解熱近時亦無以爲粥者滇本草治中膈冷痰存於胃中不可多食滇多珍蔬固宜見攢

雩婁農曰人之嗜甘同也甘而苦者雩甘而酸者爽甘而辛者

疏甘而鹹者津一於甘若琴瑟之專壹誰能聽之然甘而清甘而腴猶有嗜者嗜之久則齒蟲與胃虺蜚生焉穀之飛亦爲蠱甘而無所制也至甘而濁且邪則士大夫農圃皆賤之恭菜是也人之以甘悅人者多矣而有悅有不悅豈獨非同嗜乎毋亦如恭之濁且邪爲人所賤耶諛人者好諛者必能辨之



芋

芋別錄中品芋種甚夥大小殊形湖南有開花者一瓣一蕊長三四寸色黃野芋毒人山間亦多嶺南滇蜀芋名尤衆南寧府志宜燥地者曰大芋宜濕地者曰麴芋有旱芋狗爪芋水芋璞芋韶芋蒙自縣志有棕芋白芋麻芋會同縣志有冬芋水黎紅口彈子薑芋大頭風芋瓊山縣志有雞母芋東芋石城縣志有青竹芋黃芋番芋瑞安縣志有兒芋麴芋蓋未可悉數滇海虞衡志以爲滇芋巨甲天下殆未確札璞謂滇芋熟早味美蔬可作羹蘇玉局玉糝羹詩有香如龍涎味如牛乳之誇而山谷詠

薯蕷有畧無風味笑蹲鴟之貶放翁則曰莫笑蹲鴟少風味賴
渠撐拄過凶年枵腸轉雷玉延黃獨托以爲命亦安所擇然只
是詠蹲鴟耳若三吳芋奶滑嫩如乳調以蔗飴入喉自下亦何
甘讓居玉延下耶又農政全書謂芋汁洗膩衣潔白如玉東坡
雜記云蜀人接花果皆用芋膠其餘波尙供民用如此枯葉煨
芋自是山人辟穀宿糧若雲仙雜記燒絕品炭以龍腦裹煨芋
魁山家清供大耐糕以大芋去皮心焯以白梅甘草填以松子
欖仁豈復有霜晚風味唐馮光進校文選解蹲鴟云卽是著毛
蘿蔔肉食之人何由識農圃中物奚唯面牆

雩婁農曰滇之芋有根紅而花者其狀與海芋南星同類也斷其花之萼剝而燂之烹以五味比芥藍焉根螯不可食夫蹲鴟濟世厥功實偉章貢之間瀟湘之曲其爲芋田多矣不覩其莠間有之詫爲異怯者或懼其爲鴆滇人飽其魁而羹之而煨之而啗之又獨得有花者而餐之儷於萱與藿草木之在滇者抑何阜耶萬物生於東成於西滇居西南歲多閭闔風物在秋而適精華聚而升故木者易華草者易榮晝煦以和夜孳以肅發之收之勿俾其洩早花而遲實物勞而不憊然滇之地有伏而羹有臘而苞景朝多陰景夕多風直其偏也惟大理以東北致

役乎坤

相物名實圖考



落葵

落葵別錄下品爾雅終葵繁露注承露也大莖小葉華紫黃色
卽臘脂豆也湖南有白莖綠葉者謂之木耳菜尤滑

